



Broj: T09 0 KT 0181392 22
Sarajevo, 16.09.2024. godine

OPĆINSKI SUD SARAJEVO
Sudiji za prethodno saslušanje
SARAJEVO

Na osnovu člana 45. stav 2. tačka i) i člana 241. stav 1. ZKP-a F BiH, podižem:

O P T U Ž N I C U

Protiv:

ČEGAR ZORANA, zv. „Zoka“, rođen 1959.godine, nastanjen na adresi ul., po narodnosti hrvat, državljanin BiH i R. Hrvatske, sa završenom VSS, po zanimanju policijski službenik, oženjen, otac troje djece, srednjeg imovnog stanja, služio vojni rok, ima čin podporučnika, odlikovan ordenom za hrabrost, ima jednu zlatnu i dvije srebrene policijske značke, pripadnik Zlatnog ljiljana, **neosuđivan**,

Što je:

1. Dana 18.01.2019. godine, u Sarajevu, u prostorijama Općinskog suda u Sarajevu, u ulici Šenoina broj 1, općina Centar, svjestan da upotrebljava lažnu javnu ispravu, što je i htio, Zemljišnoknjižnom uredu Općinskog suda u Sarajevu, uz Prijedlog za uknjižbu prava vlasništva na ime Zorana Čegara na nekretnini upisanoj u zk. ul. br. 286 k.o. od 18.01.2019. godine, dostavio krivotvoreni Ugovor o kupoprodaji nekretnine broj: bez datuma i potpisa na ime Zoran Čegar, a koji ugovor nije izdat i sačinjen od strane notara G.M. iz Loznice Republika Srbija, iako je znao da navedeni ugovor nije sačinjen od strane notara na koji način je tako lažnu javnu ispravu upotrijebio kao pravu, radi uknjižbe prava vlasništva a koja uknjižba je odbijena rješenjem Općinskog suda u Sarajevu broj: od 22.04.2019. godine,
2. Dana 22.01.2019. godine, u Sarajevu, u prostorijama Općine Ilijaš, u ulici Ilijaške brigade broj 6, općina Ilijaš, svjestan da upotrebljava lažnu javnu ispravu, što je i htio, Službi za imovinkopravne poslove, geodetske poslove i katastar, Odsjeku za katastar Općine Ilijaš, uz Prijavu za promjenu upisa posjednika od 22.01.2019. godine na parcelama broj 1114, 1115 i 1116 K.O., dostavio krivotvoreni Ugovor o kupoprodaji nekretnine broj: bez datuma i potpisa na ime Zoran Čegar, Potvrdu otpravnika izvornika javnog beležnika G.M. broj: od 08.08.2018. godine i Klauzulu o potvrđivanju isprave (solemnizaciona klauzula) broj: od 21.12.2010. godine, a koji ugovor, potvrda i klauzula nisu izdati i sačinjeni od strane notara

G.M. iz Loznice Republika Srbija, iako je znao da navedeni ugovor, potvrda i klauzula nisu sačinjeni od strane notara na ko način je tako lažnu javnu ispravu upotrijebio kao prave, radi promjene upisa posjednika na parcelama broj 1114, 1115 i 1116 ukupne površine 20450m²,

Dakle, pod Tačkom 1. i 2. lažnu javnu ispravu nabavio radi upotrebe i upotrijebio je kao pravu,

Čime bi pod Tačkom 1. i 2. počinio krivično djelo Krivotvorenje isprave iz čl. 373. st. 2. u vezi sa stavom 1. KZ FBiH a sve u vezi sa članom 55. istog Zakona.

Kantonalni tužilac